



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
**PREDSTAVNIČKI DOM**

Broj:01-011-71/02.

Sarajevo, 12.februara 2002.

**Z A P I S N I K**

sa 20. sjednice Predstavničkog doma Parlamentarne skupštine Bosne i Hercegovine,  
održane 12. februara 2002.godine

Dvadeseta sjednica počela je s radom u 11,20 sati. Prisustvovala su 42 poslanika.Kao gosti sjednici su prisustvovali članovi Predsjedništva Bosne i Hercegovine Beriz Belkić i Živko Radišić. Iz Vijeća ministara prisustvovali su Svetozar Mihajlović, Azra Hadžiahmetović, Krešimir Zubak i Dragan Mikerević, ministri, kao i zamjenici ministara Kadrija Haračić-Šabić, Vladislav Vladičić, Jadranko Prlić, Gordana Ković i Milan Lovrić.

Iz međunarodnih organizacija sjednici su prisustvovali Peter Hoteldahl – ispred OHR-a, predstavnik EUMM, Douglas Jones i Mirsad Žiga ispred Američke ambasade, te predstavnici Evropske komisije.

Početku sjednice prisustvovao je gospodin Grank Orton, ombudsmen za ljudska prava u Bosni i Hercegovini.

Prije prelaska na raspravu o prijedlogu dnevnog reda realizovana su dva prethodna pitanja:

Prvo, novi poslanik Mirsad Purić davanjem svečane izjave pred Predstavničkim domom preuzeo je poslaničku dužnost i

drugo, ombudsmen za ljudska prava u BiH g. Frank Orton podnio je izlaganje Domu na temu “Vladavina prava”.

Poslije izlaganja predsjedavajući Željko Mirjanić srdačno se zahvalio gospodinu Ortonu na veoma zanimljivom izlaganju, kao i poslanicima na pažnji koju su ovom izlaganju posvetili. Potom je upoznao poslanike o izmjenama i dopunama prijedloga dnevnog reda koje su konsenzusom prihvaćene od strane Kolegija Doma u proširenom sastavu.

U diskusiji povodom prijedloga dnevnog reda učestvovali su: Omer Filipović, Marko Amidžić, Adem Borić, Mirko Banjac, Zoran Spasojević, Franjo Majdandžić, Abdurahman Malkić, Mariofil Ljubić, Muhamed Begović, Željko Bilbija, Mirko Mijatović, Senad Šarganović, Mustafa Cuplov, Ramiz Vilić, Mirko Baković i Osman Brka.

Nakon diskusije predsjedavajući je, na zahtjev pojedinih klubova, dao pauzu, a poslije pauze na glasanje je dao prijedloge koji su u diskusiji izneseni u vezi s predloženim dnevnim redom.

Prijedlog poslanika Omera Filipovića – da se iz prijedloga dnevnog reda isključi 7. tačka – Informacija o događajima vezanim za tzv. alžirsku grupu, usvojen je sa 31 glasom ZA, 7 protiv i jednim suzdržanim.

U vezi s prijedlogom predsjedavajućeg Kluba poslanika SDA Adema Borića – da se u dnevni red uvrsti Informacija o putovanjima u inostranstvo kolegija oba doma i o rezultatima tih putovanja, predsjedavajući Mirjanić je rekao da je dat odgovor na pitanje poslanika Đedovića u vezi s putovanjima i da se u okviru 2. tačke – Poslanička pitanja i odgovori, ovo pitanje može razmatrati, a može se uvrstiti i kao posebna tačka, ako Dom tako odluči. Pozvao je g. Borića da se o prijedlogu izjasni.

Gospodin Adem Borić je izrazio protest što je s dnevnog reda skinuta Informacija o događajima vezanim za tzv. alžirsku grupu, te je dalje rekao “Ako to pitanje nije moglo naći mjesto u ovom domu, ja povlačim ovo minorno pitanje o trošenju 270.000 maraka od strane jednog broja užeg kruga poslanika ovog parlamenta”.

Dalje se Dom izjasnio o prijedlogu poslanika Zorana Spasojevića da se iz dnevnog reda isključe 3. i 4. tačka – izvještaji o nastojanju za postizanje saglasnosti o Prijedlogu zakona o Pravobranilaštvu (drugo čitanje) i o Prijedlogu zakona o deminiranju (prvo čitanje) – od drugih prijedloga je odustao.

Prijedlog nije usvojen – ZA glasalo 5, protiv 33, suzdržana 2 poslanika.

Poslanik Franjo Majdandžić odustao je od prijedloga da se s dnevnog reda skinu 6. tačka – Zahtjev Vijeća ministara da se po čl. 105. razmatra Prijedlog zakona o prenosu, regulatoru i operateru sistema električne energije u BiH.

Predsjedavajući je pročitao tačke dnevnog reda koje su ostale u predloženom dnevnom redu, a potom pozvao Dom da se o njima izjasni.

Sa 40 glasova ZA i 2 suzdržana, za 20.sjednicu usvojen je sljedeći

### **D N E V N I R E D:**

1. Usvajanje Zapisnika sa 19. sjednice Predstavničkog doma,
2. Poslanička pitanja i odgovori:
  - a) stanje i kvalitet odgovora na poslanička pitanja,
  - b) poslanička pitanja i odgovori
3. Izvještaj Komisije Kolegija o nastojanju za postizanje saglasnosti o Prijedlogu zakona o Pravobranilaštvu (drugo čitanje),
4. Izvještaj Komisije Kolegija o nastojanju za postizanje saglasnosti o Prijedlogu zakona o deminiranju (prvo čitanje),
5. Zahtjev Vijeća ministara za razmatranje Prijedloga zakona o namjeni i korištenju imovine koju BiH dobiva po Sporazumu o pitanjima sukcesije bivše SFRJ – po hitnom postupku, u skladu s članom 104. Poslovnika,
6. Zahtjev Vijeća ministara za razmatranje Prijedloga zakona o prenosu, regulatoru i operateru sistema električne energije u Bosni i Hercegovini, u skladu s članom 105. Poslovnika,
7. Prijedlog zakona o državnoj službi u institucijama Bosne i Hercegovine (drugo čitanje),
8. Prijedlog zakona o autorskom pravu i srodnim pravima u Bosni i Hercegovini (drugo čitanje),
9. Prijedlog zakona o zaštiti potrošača u Bosni i Hercegovini (drugo čitanje),
10. Prijedlog zakona o koncesijama Bosne i Hercegovine (prvo čitanje),
11. Prijedlog zakona o statistici Bosne i Hercegovine (prvo čitanje),
12. Prijedlog zakona o upotrebi i zaštiti znaka Crvenog krsta/križa i naziva društva Crvenog krsta/križa Bosne i Hercegovine (prvo čitanje),
13. Prijedlog zaključaka povodom razmatranja pitanja iz oblasti spoljne politike,

14. Davanje saglasnosti za ratifikaciju:

- a) Fakultativnog protokola uz Konvenciju o pravima djeteta, a koji se odnosi na prodaju djece, dječiju prostituciju i dječiju pornografiju,
- b) Fakultativnog protokola uz Konvenciju o pravima djeteta koji se odnosi na angažiranje djece u oružanom sukobu,
- c) Fakultativnog protokola uz Konvenciju o ukidanju svih oblika diskriminacije žena,
- d) Sporazuma o saradnji u borbi protiv međunarodnog terorizma, nezakonite trgovine opojnim drogama i psihotropnim supstancama i organiziranog kriminala između Savjeta ministara Bosne i Hercegovine i Vlade Republike Turske,
- e) Sporazuma o razvojnom kreditu (projekat razvoja Zajednice) između Bosne i Hercegovine i Međunarodne asocijacije za razvoj,
- f) Sporazuma o razvojnom kreditu (Drugi projekat lokalne inicijative) između Bosne i Hercegovine i Međunarodne asocijacije za razvoj,
- g) Sporazuma između Savjeta ministara BiH i Vlade Republike Hrvatske o saradnji u predaji i prihvatu lica čiji je boravak nezakonit,
- h) Sporazuma o razvojnom kreditu (projekat tehničke pomoći za privatizaciju) između Bosne i Hercegovine i Međunarodne asocijacije za razvoj,

15. Imenovanje člana Komisije za ljudska prava, imigraciju, izbjeglice i azil.

**Ad. – 1.** Usvajanje Zapisnika sa 19. sjednice Predstavničkog doma

U vezi s Zapisnikom nije bilo diskusije.

Zapisnik sa 19. sjednice Predstavničkog doma usvojen je sa 41 glasom ZA, dok jedan poslanik nije glasao.

**Ad. – 2:** Poslanička pitanja i odgovori:

- a) stanje i kvalitet odgovora na poslanička pitanja
- b) poslanička pitanja i odgovori

U uvodu predsjedavajući Mirjanić je upoznao poslanike da je poslije 19. sjednice izvršena evidencija postavljenih poslaničkih pitanja i dobijenih odgovora, te da je poslanicima dostavljen pregled pitanja na koja još nije odgovoreno.

Poslanik Boro Bjelobrk prigovorio je da još nije dobio odgovor o događajima u Banjoj Luci i u Trebinju. Takođe je naglasio da je na pitanje vezano za putovanje rukovodstva RS u Moskvu, dobio odgovor samo od predsjednika Republike Srpske, ali ne i od drugih na koje je adresirano pitanje, zbog čega ne prihvata da je na pitanje odgovoreno.

U vezi s podtačkom a) diskutovali su Sead Avdić, Bahrija Osmanović, Salih Kulenović i Sead Buturović.

Postavljena su sljedeća pitanja:

**Senad Šarganović:**

1. Da li će Vijeće ministara BiH istrajati na realizaciji odluke o uvrštavanju graničnog prelaza Izačić kao prijelaza za sve vrste tereta, pa tako i nafte i naftnih derivata?

2. Da li će Vijeće ministara, u saradnji sa hrvatskom Vladom, omogućiti brži i nesmetan prolaz turistima u vrijeme turističke sezone, kao i tranzitnim turistima koji koriste Bosnu i

Hercegovinu za brži dolazak na Jadransko more, što bi bio poticaj razvoju turizma u Bosni i Hercegovini?

3. Kad će granični prelaz Uzljebić biti puštan u funkciju?

4. Koji i kakav status ima izbjeglički centar u Bosanskom Petrovcu? Pod čijom je upravom? Kako se finansira? Koji organi i nivo vlasti je odgovoran za taj centar i kad će taj centar biti ukinut i uklonjen?

**Tihomir Gligorić:**

1. Da li u entitetima postoje dupli standardi u primjeni Odluke Visokog predstavnika i da li se od OHR-a traži izuzeće od zabrane primjene određenih svojinskih propisa. Traži da Komisija za ljudska prava, imigraciju, izbjeglice i azil posjeti Bihać i podnese izvještaj da li je bilo kršenje imovinskih zakona i odluka Visokog predstavnika i da o tome podnese izvještaj.

2. Da li Komisija za ljudska prava, imigraciju, izbjeglice i azil ima stvarne podatke u koliko slučajeva je imovina vraćena stvarnim vlastima ili posjetnicima odnosno koliko je ranijih vlasnika ili korisnika ušlo u posjed svoje predratne imovine za koju su tražili povrat (ne prema broju donesenih rješenja) i da te podatke dostavi.

**Marko Amidžić:**

1. Zašto se u razgovorima predstavnika Vijeća ministara BiH sa Vladom Republike Hrvatske oko naftnih koridora i određenih prijelaza za uvoz nafte u prijedlozima, prije svega Vijeća ministara Bosne i Hercegovine, zaboravlja granični prijelaz Gunja-Brčko Distrikt BiH i Brčko distrikt BiH kao zajednički projekat Bosne i Hercegovine i međunarodne zajednice i zemalja potpisnica mirovnog sporazuma za BiH?

**Željko Bilbija:**

U kojoj fazi je Sporazum o prijevozu robe i putnika između Bosne i Hercegovine i Savezne Republike Jugoslavije?

**Salih Kulenović:**

Zatražio da Vijeće ministara podnese izvještaj o svom radu što prije kako bi Dom mogao raspravljati o tom izvještaju i ukazati na ono što se moglo i trebalo uraditi, a do sada još uvijek nije urađeno (u vezi s Aneksom VII DMS).

**Sead Buturović:**

1. Zatražio da Savjet ministara i Parlament BiH hitno intervenišu i da angažuju relevantne institucije na rješavanju problema zdravstva na području Hercegovačko-neretvanskog kantona.

2. Ministarstvu za ljudska prava i izbjeglice proslijedio zahtjev da se azilantsko-prihvatni centar u naselju Salakovac – Mostar iskoristi za smještaj porodica koje imaju pravo na alternativni smještaj.

**Miro Grabovac – Titan:**

Članu Predsjedništva BiH iz reda hrvatskog naroda i ministru odbrane Vojske FBiH g. Miji Aniću postavio sljedeće pitanje:

1. Postoji li odluka temeljem koje su izdavana rješenja, ako postoji, je li vrijeme izdavanja rješenja o umirovljenju koja je izdalo Ministarstvo obrane FBiH sukladno Odluci civilnog zapovjednika, te moli da mu se kopija dostavi zajedno s odgovorom na pitanje?

2. Jesu li ta rješenja o umirovljenju izdata sukladno važećim zakonskim propisima u FBiH i jesu li evidentirana u Federalnom ministarstvu obrane?

3. Kakvo rješenje civilni zapovjednik i Federalno ministarstvo obrane nude ovoj skupini ljudi.

Ministarstvu za ljudska prava i izbjeglice – Krešimiru Zubaku i ministru za pitanja branitelja domovinskog rata FBiH Dobrici Jonjiću postavio pitanja:

1. Imaju li u raspodjeli doniranih sredstava jednak status razvojačeni branitelji koji nemaju riješen stambeni problem ili kojima prijeratne stambene jedinice nisu obnovljene – sa vojnim invalidima i obiteljima poginulih branitelja HVO?

2. Tko donosi propise o kriterijima za dodjelu ovih donacija, te koje tijelo određuje prioritete dodjele?

Vijeću ministara postavio dopunsko pitanje odnosno zahtjev – da mu se dostavi popis svih poduzeća koja su dobila detašmane radnih dozvola od potpisivanja sporazuma do kraja 2001., njihovo sjedište, naziva i vlasnika i pojedinačan broj radnih dozvola za svako poduzeće.

**Mirko Mijatović:**

Šta je sa Sporazumom između Savjeta ministara BiH i Vlade Republike Hrvatske, potpisanim u decembru 2001. o dvosmjernom povratku izbjeglica i zašto nikada nije potpisan protokol o sprovođenju Sporazuma.

**Boro Bjelobrk:**

Traži od Vijeća ministara da dostavi odmah plan implementacije sa nosiocima i rokovima za primjenu 91 uslova Vijeća Evrope povodom prijema BiH. Predlaže da ovaj plan prethodno razmotri Komisija za spoljne poslove i predloži zaključke Parlamentarnoj skupštini.

**Halil Mehtić:**

Zatražio taksativan spisak novoimenovanih ambasadora i konzula i njihovu stranačku pripadnost.

**Ad. – 3:** Izvještaj Komisije Kolegija o nastojanju za postizanje saglasnosti o Prijedlogu zakona o Pravobranilaštvu (drugo čitanje)

Predsjedavajući je napomenuo da su poslanici dobili Izvještaj Komisije Kolegija i da je postignuta saglasnost o Prijedlogu zakona o Pravobranilaštvu sa određenim novim rješenjima.

U vezi s Izvještajem nije bilo diskusije.

Sa 31 glasom ZA i 4 suzdržana Dom je usvojio Izvještaj Komisije Kolegija, čime je usvojen Zakon o Pravobranilaštvu u drugom čitanju.

U zajedničku komisiju oba doma radi postizanja sporazuma o jedinstvenom tekstu Zakona o Pravobranilaštvu Dom je imenovao Željka Mirjanića, Seada Avdića i Mariofila Ljubića.

**Ad. – 4:** Izvještaj Komisije Kolegija o nastojanju za postizanje saglasnosti o Prijedlogu zakona o deminiranju (prvo čitanje)

Predsjedavajući je obavijestio Dom da je Kolegij postigao saglasnost o Prijedlogu zakona o deminiranju u BiH u prvom čitanju. Potom je otvorio raspravu u drugom čitanju.

Na Prijedlog zakona nije bilo amandmana niti je o istom bilo diskusije u drugom čitanju.

Predstavnički dom je jednoglasno (prisutnih 39 poslanika) usvojio Zakon o deminiranju u Bosni i Hercegovini.

**Ad. – 5:** Zahtjev Vijeća ministara za razmatranje Prijedloga zakona o namjeni i korišćenju imovine koju BiH dobiva po Sporazumu o pitanjima sukcesije bivše SFRJ – po hitnom postupku, u skladu s članom 104. Poslovnika

Obrazloženje zahtjeva u ime Vijeća ministara, podnijela je gospđa Gordana Ković, zamjenik ministra za trezor institucija Bosne i Hercegovine. Potom je Dom jednoglasno usvojio zahtjev da se Prijedlog zakona razmatra po hitnom postupku, u skladu s članom 104. Poslovnika Predstavničkog doma.

**Ad. – 6:** Zahtjev Vijeća ministara za razmatranje Prijedloga zakona o prenosu, regulatoru i operateru sistema električne energije u Bosni i Hercegovini, u skladu s članom 105. Poslovnika

Ministar za vanjsku trgovinu i ekonomske odnose, g-đa Azra Hadžiahmetović, obrazložila je zahtjev Vijeća ministara.

U okviru ove tačke u diskusiji su učestvovali: Franjo Majdandžić, Boro Bjelobrk, Zdenko Vukić, Mirko Banjac, Željko Bilbija, Branislav Lolić, Mirko Mijatović, Sead Avdić, Marko Amidžić i Senad Šarganović.

Poslije diskusije Dom je usvojio zahtjev Vijeća ministara da se Prijedlog zakona razmatra i usvoji po članu 105. Poslovnika. Od 39. prisutnih, ZA je glasalo 35, tri poslanika su bila suzdržana, a jedan nije glasao.

**Ad. – 7:** Prijedlog zakona o državnoj službi u institucijama Bosne i Hercegovine (drugo čitanje)

Predsjedavajući je podsjetio poslanike na izvještaj nadležne komisije, koja je jednoglasno usvojila Prijedlog zakona sa određenim amandmanima. Takođe je upoznao Dom da je poslanik Abdurahman Malkić podnio amandmane za koje je Kolegij ocijenio da nisu podneseni u skladu s Poslovníkom, te da ne mogu ići u proceduru.

U diskusiji su učestvovali: Abdurahman Malkić, Mirko Banjac, Emina Zaćiragić, Miro Grabovac, Mustafa Cuplov, Sead Avdić, Hilmo Neimarlija i Marko Amidžić.

Poslije diskusije Dom je usvojio Zakon o državnoj službi u institucijama Bosne i Hercegovine.

U komisiju radi postizanja sporazuma o jedinstvenom tekstu Zakona imenovani su Branislav Lolić, Bahrija Osmanović i Miro Grabovac – Titan.

U toku diskusije u okviru ove tačke dnevnog reda poslanici su iznijeli više primjedbi i dilema u vezi sa pojedinim poslovníčkim odredbama. Iz toga razloga poslanik Hilmo Neimarlija je, poslije usvajanja Zakona, predložio da Kolegij za narednu ili eventualno drugu po redu sjednicu pripremi prijedlog za pristupanje izmjeni spornih dijelova Poslovníka. Naglasio je, pored ostalog, da ima čitav niz problema zbog određenih odredbi koje bi trebalo otkloniti.

Predsjedavajući Željko Mirjanić je rekao da će se to pitanje razmatrati na sljedećoj sjednici Proširenog kolegija u kojem rade predstavnici svih klubova, pa će se tako zauzeti konačan stav i pripremiti materijal prije sjednice Doma.

Poslanik Neimarlija je prihvatio stav predsjedavajućeg.

**Ad. – 8:** Prijedlog zakona o autorskom pravu i srodnim pravima u Bosni i Hercegovini (drugo čitanje)

Predsjedavajući Mirjanić podsjetio je poslanike na izvještaj nadležne komisije, kao i na to da su u proceduri amandmani koje je Željko Bilbija podnio u ime Kluba poslanika.

Pošto se niko nije javio za diskusiju predsjedavajući je dao na glasanje amandmane Željka Bilbije. Glasujući pojedinačno o svakom, Dom je usvojio amandmane od I i V. Potom je usvojen Zakon o autorskom pravu i srodnim pravima. Od prisutnih 38 ZA Zakon je glasalo 36, protiv 1, suzdržan 1.

U zajedničku komisiju radi postizanja sporazuma o jedinstvenom tekstu Zakona imenovani su Mirko Banjac, Sead Avdić i Zdenko Vukić.

**Ad. – 9:** Prijedlog zakona o zaštiti potrošača u Bosni i Hercegovini (drugo čitanje)

Poslanik Željko Bilbija podnio je amandmane na Prijedlog zakona pozivom na član 4. tačka 3, koje je Kolegij prosljedio u proceduru.

Kako nije bilo diskusije Dom se izjasnio o amandmanima I i II koji su usvojeni većinom glasova. Potom je Dom jednoglasno (prisutno 35 poslanika) usvojio Zakon o zaštiti potrošača.

U zajedničku komisiju radi postizanja sporazuma o jedinstvenom tekstu Zakona imenovani su Mirko Banjac, Marko Amidžić i Adem Borić.

**Ad. – 10:** Prijedlog zakona o koncesijama Bosne i Hercegovine (prvo čitanje)

U diskusiji su učestvovali Salih Kulenović i Željko Bilbija.

Poslije diskusije predsjedavajući je dao na glasanje Prijedlog zakona. Od 33 prisutna ZA su glasala 24 poslanika, a 9 se suzdržalo od glasanja.

Glasajući po entitetima, iz Federacije BiH ZA su glasala 22, iz Republike Srpske 2 poslanika.

Predsjedavajući je konstatovao da Zakon u prvom čitanju nije dobio entitetsku većinu.

**Ad. -12:**Prijedlog zakona o upotrebi i zaštiti znaka Crvenog krsta/križa i naziva društva Crvenog krsta/križa Bosne i Hercegovine (prvo čitanje)

O ovom prijedlogu zakona nije bilo diskusije.

Prijedlog zakona u prvom čitanju usvojen je jednoglasno.

**Ad. – 13:** Prijedlog zaključaka povodom razmatranja pitanja iz oblasti spoljne politike

U ime Komisije vanjskih poslova prijedlog zaključaka obrazložio je Marko Amidžić, predsjedavajući Komisije.

U diskusiji su učestvovali Miloš Jovanović, Miro Grabovac i Marko Amidžić.

Dom je, sa 31 glasom ZA, usvojio zaključke.

**Ad. -14:** Davanje saglasnosti za ratifikaciju

U ime Komisije vanjskih poslova govorio je Marko Amidžić.

U diskusiji su učestvovali Željko Bilbija i Branislav Lolić.

Izjašnjavajući se o svakom ponaosob, Predstavnički dom je dao saglasnost za ratifikaciju:

- a) Fakultativnog protokola uz Konvenciju o pravima djeteta a koji se odnosi na prodaju djece, dječiju prostituciju i dječiju pornografiju,
- b) Fakultativnog protokola uz Konvenciju o pravima djeteta koji se odnosi na angažiranje djece u oružanom sukobu,
- c) Fakultativnog protokola uz Konvenciju o ukidanju svih oblika diskriminacije žena,
- d) Sporazuma o saradnji u borbi protiv međunarodnog terorizma, nezakonite trgovine opojnim drogama i psihotropnim supstancama i organiziranog kriminala između Savjeta ministara Bosne i Hercegovine i Vlade Republike Turske,
- e) Sporazuma o razvojnom kreditu (projekat razvoja Zajednice) između Bosne i Hercegovine i Međunarodne asocijacije za razvoj,
- f) Sporazuma o razvojnom kreditu (Drugi projekat lokalne inicijative) između Bosne i Hercegovine i Međunarodne asocijacije za razvoj,
- g) Sporazuma između Savjeta ministara BiH i Vlade Republike Hrvatske o sardnji u predaji i prihvatu lica čiji je boravak nezakonit,
- h) Sporazuma o razvojnom kreditu (projekat tehničke pomoći za privatizaciju) između Bosne i Hercegovine i Međunarodne asocijacije za razvoj.

**Ad. – 15:** Imenovanje člana Komisije za ljudska prava, imigraciju, izbjeglice i azil

Na prijedlog Kluba poslanika Stranke za BiH za člana Komisije za ljudska prava, imigraciju, izbjeglice i azil imenovan je Franjo Majdandžić umjesto Muhameda Begovića.

Ovim je isapljen dnevni red 20.sjednice.

Sjednica je s radom završila u 19,30 sati.

Sastavni dio ovog zapisnika je transkript 20.sjednice Predstavničkog doma.

SEKRETAR  
PREDSTAVNIČKOG DOMA  
**Branka Todorović**

PREDSJEDAVALA  
PREDSTAVNIČKOG DOMA  
**dr.Željko Mirjanić**